



掛紙

每年過年都無閒歸來寮个阿叔佢等，昨晡日下晝帶等姆姆共下歸屋下。佢下班都還無行人屋，就聽著阿爸、阿叔佢等兄弟又在該倒四六，硬講都還係講起頭擺佢等還細分阿公帶去臺東開墾个過去。

第二日天濛濛仔，一家人帶等鑊頭、撩鏟同幾下付牲體，就愛去掛紙。其實幾下日前，阿爸早早就同阿公佢等个地整理好，恁仔掛紙个時節正過順序，毋使分阿叔佢等浪核時間來打理。

阿姆佢等將牲體放好，佢拿等金箔紙就愛在風水頂項砵紙。因為阿公降阿爸佢等四兄弟，阿爸驚佢裝差，就大嫲聲喊等：「愛砵四圈哦！」因為今年係平年，阿爸又交代等：「該紙一張係一隻月，一圈砵十二張就好。」佢聽著佢交代，就應佢講：「佢有記得今年無閏月啦！一圈十二張就做得。」

等佢砵好紙，大家就同阿公、阿婆唱喏。阿姆同姆姆佢等無閒在斟酒，阿爸佢等就緊散等金緊接等昨暗晡个話敘，續等該每年都有講毋核个故事。佢跔等搵手散金，恬恬聽佢等該兜佢早就聽到都知愛仰仔來講个故事。毋過心肚仔恁，該兜故事係佢等同阿公个回憶，這下毋講該兜聽到懶腳个過去，嘎無愛講麼个正好？

佢等後輩這叔伯兄弟姊妹，一年見無幾擺，就係閒常時電話都罕得來去，坐在阿公个風水前就無像阿爸佢等恁有話講。斷真就係人講个一代姑、二代表，三代閒了了。有時節佢會恁，阿公佢等係正式來享受牲體个話，佢等看著佢這輩人變到恁生疏，毋知會拿杖仔出來招人無？

燒金過後，打核紙炮仔，掛紙核，大家將牲體拿歸屋下，就將這兜敬過个東西料理地幾項菜。當晝，大家心情放鬆，又再聚加一餐，將對阿公佢等个懷念吞落肚，化做日後生活个力量。無定著下一擺大家再聚共下个時節，又過核一年地。

現代人為著生活，大部分都去城市打拚，難得年節正有歸來，該叔伯兄弟之間个感情總係比毋過頭擺歇(hed)伙房个年代，兄弟就算係各人都成家、有子女地，都還係共下歇，連做田坵事都共下。時代進步地！毋過人同人个感情跔等距離个增遠，嘎變做生疏。輒常都愛等到來毋掣地，正知愛珍惜人生中最可貴个親情。

掛紙！在毋多知仔个變化中，變成一個同屋下人聚共下最好个理由地！

作者：陳志寧

☆詞彙學習☆

【姆姆】me' me'：孀孀。

【裝差】zong' ca'：弄錯。

【還無】han' mo'：尚未。

【地】ti：墳墓。

【倒四六】do xi liug'：形容講話的內容不斷的重複。

【平年】piang' ngian'：農曆一年中只有十二個月的年。

【硬講】ngiang gong'：說來說去。

【唱喏】cong ia'：向鬼神拜拜。

【撩鏟】liau' can'：圓鋤。

【話敘】fa xi：說話的內容。

【牲體】sen' ti'：祭拜的祭品。

【散金】san gim'：將紙錢弄散以方便燃燒。

【金箔紙】gim' pog zii'：中間有金黃色貼紙的紙錢。

【懶腳】lan' giog'：令人覺得無聊。